



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1648

§. 3. In Picardiâ.

urn:nbn:de:hbz:466:1-13147

In Normannia.

NORMANNIAM inter & Angliam vorago est, ad quam feruntur naues mirabili celeritate, sed iam vicinæ gurgiti repelluntur, *Papyrius Massonus de fluminibus Gallie.* Videtur eadem esse cum ea, cuius meminit *Paulus Diaconus lib. I. Histor. Longobardorum cap. 5.* ¶ 6.

In Normanniæ Agro fontes quidam si largiter fluant miram portendunt fertilitatem; si malignè, sterilitatem; si deficiant omnino, magnam annonæ penuriam. *Giraldus Cambrensis.*

In pago Caletensi, *le pays de Caux,* puteus est in quem si lapidem proieceris, audies strepitum quasi tonitrui frementis satis diu cieri in putei penetralibus. *Vir fide dignissimus.*

In Picardia.

CVM Philippus Augustus bellum gereret cum Flandris in Agro Veromanduo, in eo satis diu hæcere exercitus; locus vbi Philippus castra metatus erat, & paucas reliquerat segetes, magnos prouentus incolis attulit, vbi Flandri constiterant nihil omnino prouenit. *Rigordus.*

Haud procul Ambiano Abbatia monialium *Paracleti* dicta, cui pratum adiacet quod fluuiolus eluit, in eo ranæ tacent, & si aliofferantur fiunt vocales; silent & aliunde importatæ. *Huius Monasterij acta.*

Ambianum inter & Abbauiam in fluvio Sommona cæcus gurses in quem aquæ tanto impetu præcipitant, ut sonitus ad aliquot millaria audiatur. Aiunt indigenæ mulierem nobilem, sed impotentem hoc haustam fuisse, diuinitus eò adactis equis quibus vehebatur. *Papyrius Massonus.*

Abbauiæ templum B. Virginis olim *ad Oua*, nunc *Capella* dictum, de cuius fabricâ cum deliberaretur, campusque emptus esset, sequenti die deprehensa sunt vestigia mulieris, quæ templi formam indicarent. Locus hic imminet vrbi, sæpe belli tempore inita consilia de æde diruendâ, haec tenus integra stetit. *Acta antiqua huius Ecclesie.*

Nnn iij